

FRANCISCVS ERICIVS

D U X XCVIII.

*Electus Ann. 1631. obiit tertio Non. Ianuarii
Ann. 1645.*

EPIGRAPHE ANTIQVA.

Romanæ Lupæ in Castrum irruenti Leonem Venetum cum Parma obiecti, & adversas acies repressi communis concordie causa, donec pax extitit. Rursum pro Ecclesiâ Romanâ bella pia, & iusta suscepi, & Lunæ Turcicæ in Creta, Canea occupatâ, crescenti me opposui, obiecturus abdicatione Principatu Caput, ni Mors prius me abstulisset. Cor de D. Marco in pignus relicto.



Franciscus Ericus Legionum Tribunus, Castrorum Præfectus, ductor exercitus, nunquam infaustus, ubique victor, quod eius conscientia timeret aurum, non ferrum. Gloriæ avidus non rapinæ, disciplinam restituit in castris, pœnas ita amore temperans, ut crimen puniret non hominem. Eques ac D. Marci Procurator ad Ferdinandum II. Legatus Imperatorem, & ad Pontificem Urbanum VIII. ostendit Venetam Rempublicam, populorum fœdera ambire, non jura. Bello præpositus Mantuano fulmina